

Leje-qëndrimi elektronik (elektronischer Aufenthaltstitel)

Leje-qëndrimi elektronik ka hyrë në përdorim më 01.09.2011 në të gjitha vendet anëtare të BE-së. Qëllimi është, unifikimi i leje-qëndrimit në Bashkimin Europian për shtetasit e vendeve të treta si dhe forcimin i lidhjes midis bartësit të dokumentit dhe vet dokumentit duke përdorur të dhënave biometrike dhe përmes kësaj, mbrojtjen kundër keqpërdorimeve abuzive.

Leje-qëndrimet e deritanishme në pasaporta apo në dokumentet e tjera të identifikimit, e ruajnë vlefshmërinë e tyre deri më 31.08.2021.

Vlefshmëria e leje-qëndrimit elektronik (eAT; elektronischer Aufenthaltstitel) është i bazuar nga lloji i lejes së qëndrimit gjegjësisht vërtetimit mbi të drejtën e lejes së qëndrimit dhe vendimit të marrë prej zyrës së të huajve sipas ligjit për të drejtën e rezidencës. Për leje-qëndrimet e përhershme, përdorimi i dokumentit është i kufizuar deri në dhjetë vjet. Pas dhjetë vjetësh duhet të lëshohet një kartë e re.

Për këtë megjithatë duhet të keni parasysh, se karta është e vlefshme vetëm e shoqëruar nga pasaporta apo dokumenti identifikues përkatës.

Në leje-qëndrimin elektronik janë të ruajtura fotografia juaj si dhe shenjat e gishtave tuaj. Kjo i shërben parandalimit të keqpërdorimit të leje-qëndrimit tuaj. Përmes regjistrimit të të dhënave tuaja biometrike, mbrohet edhe identiteti juaj.

Për këtë arsye është e rëndësishme, që fotografia të jetë aktuale dhe të ketë formë biometrike.

Informacione të detajuara mbi kriteret e fotografisë do tëi i gjeni këtu:

www.bmi.bund.de

Së bashku me leje-qëndrimin elektronik, ju do të pranoni edhe një funksion të letërnjoftimit online (Online-Ausweisfunktion).

Me këtë funksion ju mund të identifikoheni kudo, ku ofrohen këto shërbime në internet apo në pajisjet automatike.

Funksioni i identifikimit online mund të përdoret prej moshës 16 vjeçare. Megjithatë, ju mund të vendosni vet, nëse dëshironi ta përdorni këtë funksion ose jo. Ky funksion mund të aktivizohet dhe ç'aktivizohet në çdo kohë.

Për të mundësuar identifikimin tuaj online me anë të eAT (leje-qëndrimi elektronik), ju duhet të aktivizoni funksionimin e letërnjoftimit online (Online-Ausweisfunktion) Për këtë iu nevojitet gjithashtu një pajisje për të lexuar kartën si edhe softuerin përkatës.

Gjithashtu ju do të merrni me postë një letër me PIN nga Bundesdruckerei (Shtypshkronja Federale).

Pas marrjes së letrës së PIN-it, do të merrni gjithashtu një tjetër shkresë, nga zyra e të huajve, me një termin, në mënyrë që ju ta merrni leje-qëndrimin tuaj.

Pasiqë proceduara e përpunimit të leje-qëndrimit elektronik zgjat rreth 6 javë, luteni që të caktoni me kohë një takim me nëpunësin përkatës për ripërtëritjen e leje-qëndrimit tuaj.